



Broj: 16-12-16-5228- *10* /23
I. Sarajevo, *24.07* 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 20.07.2023. godine, na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-5228/23 od 21.07.2023. godine, u postupku javne nabavke informatičke opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke informatičke opreme
za potrebe Državne agencije za istrage i zaštitu

Član 1.

U postupku javne nabavke informatičke opreme za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2023. godini broj 16-12-16-5228/23 od 21.07.2023. godine, ugovor se dodjeljuje za:

- LOT 1 - Nabavka desktop računara, monitora i laptop računara, ponuđaču „Commerce Engineering d.o.o. Mostar“, ponuda broj 16-12-16-5228-7/23 od 07.07.2023. godine, za ponudenu cijenu u iznosu od 108.460,00 KM bez uračunatog PDV-a;
- LOT 2 - Nabavka štampača, prenosnih printera, skenera, MFP, switcheva, firewall uređaja, slušalica i UPS-ova, ponuđaču „ELUR“ d.o.o. Kiseljak“, ponuda broj 16-12-16-5228-5/23 od 07.07.2023. godine, za ponudenu cijenu u iznosu od 61.946,00 KM bez uračunatog PDV-a.

Član 2.

(1) Ponuđač „ELUR“ d.o.o. Kiseljak“, obavezan je ugovornom organu dostaviti dokaz o ispunjavanju uslova iz tač. 10.1. i 11.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova Odluka stupa na snagu danom donošenja.

O b r a z l o ž e n j e

Odlukom broj 16-12-16-5228-1/23 od 09.06.2023. godine pokrenut je postupak javne nabavke informatičke opreme za potrebe Agencije, procijenjene vrijednosti 170.940,17 KM bez uračunatog PDV-a, za koji je obavještenje o javnoj nabavci broj 1161-1-1-112-3-33/23 od 15.06.2023. godine objavljeno na Portalu javnih nabavki i u „Službenom glasniku BiH“, broj 45/23. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza za 2023. godinu („Službeni glasnik BiH“, broj 22/23) i Dokumenta okvirnog budžeta 2023.-2025. godine. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na dva lota:

- LOT 1 - Nabavka desktop računara, monitora i laptop računara, procijenjene vrijednosti 108.974,36 KM bez uračunatog PDV-a;

- LOT 2 - Nabavka štampača, prenosnih printera, skenera, MFP, switcheva, firewall uređaja, slušalica i UPS-ova, procijenjene vrijednosti 61.965,81KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 07.07.2023. godine do 12,00 sati, te da se ponude dostavljaju u zatvorenoj koverti, Komisija je dana 07.07.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljeno ukupno pet ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„Time Code d.o.o. Sarajevo”	LOT 1	108.794,00 KM
2.	„ELUR“ d.o.o. Kiseljak“	LOT 1	108.950,00 KM
		LOT 2	61.946,00 KM
3.	„Uma Muller Group d.o.o. Sarajevo“	LOT 1	108.944,00 KM
		LOT 2	61.950,00 KM
4.	„Commerce Engineering d.o.o. Mostar“	LOT 1	108.678,00 KM
		LOT 2	61.949,00 KM
5.	„INTER COM d.o.o. Zenica“	LOT 1	107.980,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponude ponuđača „Time Code d.o.o. Sarajevo” (LOT 1), „ELUR“ d.o.o. Kiseljak“ (LOT 1 i LOT 2), „Uma Muller Group d.o.o. Sarajevo“ (LOT 1 i LOT 2), „Commerce Engineering d.o.o. Mostar“ (LOT 1 i LOT 2) i „INTER COM d.o.o. Zenica“ (LOT 1), ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-5228/23 od 11.07.2023. godine, tražila stručno mišljenje, da li ponude ponuđača „Time Code d.o.o. Sarajevo” (LOT 1) „ELUR“ d.o.o. Kiseljak“ (LOT 1 i LOT 2), „Uma Muller Group d.o.o. Sarajevo“ (LOT 1 i LOT 2), „Commerce Engineering d.o.o. Mostar“ (LOT 1 i LOT 2) i „INTER COM d.o.o. Zenica“ (LOT 1) ispunjavanja tehničke uslove postavljene u Tenderskoj dokumentaciji. Sektor za operativnu podršku Odsjek za informatiku, komunikacije i sigurnost informatičkih sistema aktom broj 16-12-16-5228/23 od 14.07.2023. godine dostavio je stručno mišljenje, u kojem je navedeno da ponude ponuđača „ELUR“ d.o.o. Kiseljak“ (LOT 1 i LOT 2), „Uma Muller Group d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 1 i LOT 2), ispunjavaju tehničke uslove koje su tražene u Tenderskoj dokumentaciji, dok ponude ponuđača „Time Code d.o.o. Sarajevo” (LOT 1) i „INTER COM d.o.o. Zenica“ (LOT 1), ne ispunjavaju tehničke uslove koje su tražene u Tenderskoj dokumentaciji.

Ponuđač „Time Code d.o.o. Sarajevo” je za stavku 1. Desktop računar ponudio uređaj sa P/N brojem 8A882AA-HP PRO TOWER 290 G9. Uvidom i poređenjem traženih karakteristika uređaja koji su vidljivi u dostavljenim linkovima proizvođača (<https://h20195.www2.hp.com/v2/GetDocument.aspx?docname=c08174111>), a koji ne odgovaraju traženoj specifikaciji su:

- tehničkom specifikacijom je traženo da uređaj posjeduje priključke minimalno 1xHDMI i 1xDP priključak, a na linku proizvođača je navedeno da ponuđeni model 1xHDMI 1xVGA priključak;

- tehničkom specifikacijom je traženo da uređaj posjeduje minimalno 3xPCIe, od toga jedan slobodan PCIe 3.0 x 16, a na linku proizvođača je navedeno da ponuđeni model ima 1xPCIe 4.0 x 16 i 1xPCIe 3.0 x 1, što je ukupno 2 x PCIe. Kada je u pitanju stavka 2. Monitor ponuđač „Time Code d.o.o. Sarajevo” je ponudio uređaj sa P/N brojem 90LM06B0-B02B70. Uvidom i poređenjem traženih karakteristika uređaja i karakteristika uređaja koji su vidljivi na dostavljenim linkovima proizvođača (<https://www.asus.com/displays-desktops/monitors/eye-care/vp229/techspec/>), a koji ne odgovaraju traženoj tehničkoj specifikaciji su:

- tehničkom specifikacijom je traženo da uređaj posjeduje kontrast minimalne vrijednosti 3000:1, a na linku proizvođača je navedeno da ponuđeni model ima vrijednost kontrasta 1000:1.

Kada je u pitanju ponuda ponuđača „INTER COM d.o.o. Zenica“, Sektor za operativnu podršku Odsjek za informatiku, komunikacije i sigurnost informatičkih sistema je utvrdio da je za stavku 1. Desktop računara ponuđač „INTER COM d.o.o. Zenica“ ponudio uređaj sa P/N brojem 8A882AA- HP PRO TOWER 290 G9. Uvidom i poređenjem traženih karakteristika uređaja koji su vidljivi u dostavljenim linkovima proizvođača (<https://h20195.www2.hp.com/v2/GetDocument.aspx?docname=c08174111>), a koji ne odgovaraju traženoj tehničkoj specifikaciji su:

- tehničkom specifikacijom je traženo da uređaj posjeduje priključke minimalno 1xHDMI i 1xDP priključak, a na linku proizvođača je navedeno da ponuđeni model 1xHDMI 1xVGA priključak;

- tehničkom specifikacijom je traženo da uređaj posjeduje minimalno 3xPCIe, od toga jedan slobodan PCIe 3.0x16, a na linku proizvođača je navedeno da ponudeni model ima 1xPCIe 4.0 x 16 I 1xPCIe 3.0x1, što je ukupno 2xPCIe. Takođe, uvidom akt Sektora za operativnu podršku Odsjeka za informatiku, komunikacije i sigurnost informatičkih sistem je utvrđeno da je ponuđač „INTER COM d.o.o. Zenica“ u neslužbenom prevodu, bez ovjere stalnog sudskog tumača u Bosni i Hercegovini, koji je dostavljen uz ponudu, izmijenio gore navedene podatke sa dostavljenih linkova proizvođača da bi zadovoljio tražene karakteristike it Tenderske dokumentacije.

Naime, tačkom 11.3.b Tenderske dokumentacije je traženo da dostavljeni dokaz (tehnička dokumentacija sa web stranice) mora biti dostavljena na jednom od službenih jezika, ista mora biti prevedena i ovjerena pečatom od strane stalnog sudskog tumača u Bosni i Hercegovini. Ukoliko kao dokaz ponuđač dostavlja link sa web stranice, na aktu potpisanom i ovjerenom od strane odgovornog lica ponuđač treba navesti link na kome se mogu vidjeti tehničke karakteristike ponuđene informatičke opreme. Budući da su web stranice uglavnom na nekome od stranih jezika, Agencija će prihvatiti i takav link, s tim da se na istom precizno mogu vidjeti tehničke karakteristike ponuđene informatičke opreme (za obadva lota).

Cijeneći stručno mišljenje Sektora za operativnu podršku Odsjeka za informatiku, komunikacije i sigurnost informatičkih sistema, Komisija je utvrdila da su ponude ponuđača „Time Code d.o.o. Sarajevo“ (LOT 1) i „INTER COM d.o.o. Zenica“ (LOT 1), nepravilne iz razloga jer nisu u skladu sa Tenderskom dokumentacijom odnosno ne ispunjavaju tražene uslove iz tačke 11.3. Tenderske dokumentacije (Tehnička i profesionalna sposobnost član 49. Zakona). Imajući u vidu naprijed navedeno, Komisija ponude ponuđača „Time Code d.o.o. Sarajevo“ (LOT 1) i „INTER COM d.o.o. Zenica“ (LOT 1), nije uzela u dalje razmatranje.

Obzirom da je Tenderskom dokumentacijom za postupak javne nabavke informatičke opreme za potrebe Agencije predviđeno provođenje e-aukcije u skladu sa Pravilnikom, da su za LOT 1 i LOT 2 zaprimljene tri prihvatljive ponude i to ponude ponuđača „ELUR“ d.o.o. Kiseljak“ (LOT 1 i LOT 2), „Uma Muller Group d.o.o. Sarajevo“ (LOT 1 i LOT 2) i „Commerce Engineering d.o.o. Mostar“ (LOT 1 i LOT 2), Komisija je zakazala e-aukciju za dan 20.07.2023. godine i to za LOT 1 u 12,00 sati u trajanju od 20 minuta i za LOT 2 u 12,30 sati u trajanju od 20 minuta.

Prema Izvještaju o toku i završetku e-aukcije od 20.07.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 1, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„Commerce Engineering d.o.o. Mostar“	108.460,00 KM	1
2.	„Uma Muller Group d.o.o. Sarajevo“	108.569,33 KM	2
3.	„ELUR“ d.o.o. Kiseljak“	108.950,00 KM	3

Prema Izvještaju o toku i završetku e-aukcije od 20.07.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT 2, kako slijedi:

R/B	Naziv ponuđača	Ponuđena cijena bez uračunatog PDV-a	Rang
1.	„ELUR“ d.o.o. Kiseljak“	61.946,00 KM	1
2.	„Commerce Engineering d.o.o. Mostar“	61.949,00 KM	2
3.	„Uma Muller Group d.o.o. Sarajevo“	61.950,00 KM	3

Shodno Izvještaju o toku i završetku e-aukcije od 20.07.2023. godine za LOT 1 i LOT 2, Komisija je utvrdila da je za LOT 1 bilo snižavanje cijena ponuda kao kriterij za dodjelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika, dok za LOT 2 nije bilo snižavanje cijena ponuda.

Komisija je nakon provedenog postupka ocjenjivanja dostavljenih ponuda, utvrdila da je ponuda ponuđača „Commerce Engineering d.o.o. Mostar“ ocijenjena kao najpovoljnija ponuda za LOT 1 i da je ponuda ponuđača „ELUR“ d.o.o. Kiseljak“ ocijenjena kao najpovoljnija ponuda za LOT 2“.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke informatičke opreme za potrebe Agencije dodijeli ponuđaču „Commerce Engineering d.o.o. Mostar“ za LOT 1 i ponuđača „ELUR“ d.o.o. Kiseljak“ za LOT 2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 5x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

